

孫真人千金方衍義卷十六

長洲張

璐路玉

南沙席世臣郢案

胃腑方 凡八類

胃腑脈論第一

論一首

論曰胃腑者主脾也口席者是其候也脾合氣於胃

胃者水穀之腑也號倉庫守內嗇吏重二筋十四兩

迂曲屈伸長一尺六寸大一尺五寸徑五寸受水穀

三斗五升其中當留穀二斗水一斗五升廣胘大頸

張胸五穀乃容而滿上焦泄氣出其精微慄悍滑疾



下焦下漑泄諸小腸此腸胃所受水穀之數也平人則不然胃滿則腸虛腸滿則胃虛更滿更虛氣得主下五臟安定血脈和利精神乃居故神者水穀精氣也五臟不足調於胃故腸胃之中當留穀二斗四升水一斗一升故人一日再至後甲乙作後二升半一日中五升七日五七三斗五升而甞水穀盡故平人不飲不食七日而死者水穀精氣津液皆盡故七日而死矣

右手關上陽絕者無胃脈也若吞酸頭痛胃中有冷刺足太陰治陰在足大指本節後一寸

右手關上陽實者胃實也若腸中伏伏

一作

不思食

得食不能消刺足陽明治陽在足上動脈脈浮而

浮則爲陽芤則爲陰浮芤相搏胃氣生熱其陽則絕

跌陽脈浮大者此胃家微虛煩圓必日再行動作

痛重熱氣朝者屬胃

胃脈搏堅而長其色赤當病折髀其栗而散者當病

食痺髀痛病先發於胃脹滿五日之腎小腹腰脊痛

脛痠三日之膀胱背脊筋痛小便閉五日上之心脾

心痛閉塞不通身痛體重

靈樞云

上之心三日不已死冬夜

半後夏日映胃病者腹臙脹胃脘當心而痛上支兩

脇膈咽不通飲食不下下取三里

飲食不下膈塞不通邪在胃脘在上脘則抑而刺之在下脘則散而去之

胃脹者腹滿胃脘痛鼻聞焦臭妨於食大便難

胃瘧令人旦病也善飢而不能食食而支滿腹大刺足陽明太陰橫脈出血

胃中有癖食冷物者痛不能食食熱則能食脾前受病移於胃脾咳不已嘔吐長蟲

厥氣客於胃則夢飲食

診得胃脈病形何如曰胃脈實則脹虛則洩脾應肉



脘肉脘堅大者胃厚肉脘磨者胃薄肉脘小而磨者胃不堅肉脘不稱其身者胃下胃下者脘約肉脘不堅者胃緩肉脘無小果累標緊者胃急肉脘多小果累者胃結胃結者胃上脘約不利

扁鵲云足太陰與陽明爲表裏脾胃若病實則傷熱熱則引水漿常渴虛則傷寒寒則苦飢常痛發於風水其根在胃先從四肢起腹滿大通身腫方見治水

篇中

胃絕不治五日死何以知之舌腫溺血大便赤泄足陽明之脈起於鼻交頰中旁約大腸之脈下循鼻



外上入齒中還出俠口環唇下交承漿却循頤後下
廉出大迎循頰車上耳前過客主人循髮際至額顙
其支者從大迎前下人迎循喉嚨入缺盆下隔屬胃
絡脾其直者從缺盆下乳內廉下俠臍人氣衝中其
支者起胃口下循腹裏下至氣衝中而合以下髀關
抵伏兔下膝入臄中下循胫外廉下足跗入中指內
間其支者下膝三寸而別以下入中指外間其支者
別跗上入大指間出其端也動則病悽悽振寒善伸
數欠頽黑病至惡人與火聞木音則惕然而驚心欲
動獨閉戶牖而處甚則欲上高而歌棄衣而走貢響

腹脹是為胃厥是主血所生病者狂瘧溫淫汗出
衄口喎唇緊頸腫喉痺大腹水腫膝腫痛循循
氣衝股伏兔胛外廉足跗上皆痛中指不用氣盛則
身以前皆熱其有餘於胃則消穀善飢溺色黃氣不足則
身以前皆寒慄胃中寒則脹滿盛者則人迎大三倍
於寸口虛者則人迎反小於寸口也

胃虛實第二

脈二首 方二首
灸法一首

胃實熱

右手關上脈陽實者足陽明經也病苦頭痛

脈經作
腹中堅

痛而

汗不出如溫瘧唇口乾善噦乳癰缺盆腋下腫

熱

千金方卷之十一
四
痛名曰胃實熱也

瀉胃熱湯方

梔子仁

射干

升麻

茯苓

各三兩

芍藥

四兩

白朮

五兩

赤蜜

生地汁

各一升

右八味咬咀以水七升煮取一升半去滓下地黃汁煮兩沸次下蜜煮取三升分三服老少以意量減

衍義

瀉熱反用白朮可見瀉胃之熱而非瀉胃之實也

方用升麻專走陽明開發胃熱地黃滋陰退陽赤



南京中医药大学图书馆版权所有

蜜和胃解毒射干散腹中結氣梔子仁滋胃中
氣芍藥治邪氣腹痛茯苓守五臟正氣而後
除熱消食之功祛邪養正全賴苓朮之力耳

胃中熱病

灸三里三十壯穴在膝下三寸

胃虛冷

右手關上脈陽虛者足陽明經也病苦脛寒不得臥

惡風寒灑灑自急腹痛虛鳴

外臺作耳虛鳴

時寒時熱脣口

乾面目浮腫名曰胃虛冷也

補胃湯一治少氣口苦身體無澤方



柏子仁

防風

細辛

桂心

橘皮

川芎

吳茱萸

人參

甘艸

右九味咬咀以水一斗煮取三升分爲三服

義術

胃中虛冷而用萸桂甘橘之屬人所同然至於防

柏芎辛祛風逐濕等味非深達土中瀉木之義范

然不解何意也

人參散一補胃虛寒身枯絕諸骨節皆痛方

人參

甘艸

細辛

麥冬

桂心

當歸



乾薑 二兩

遠志 一兩

吳茱萸 二兩

川椒 三分

右十味治下篩食後溫酒服方寸匕

衍義

胃氣虛寒而用參甘薑桂椒萸志辛辛溫散逆水人所其喻其外當歸麥冬一以主身枯骨痛一以

滋諸味辛燥也

喉嚨論第三

論一首

論曰喉嚨者脾胃之候也主通利水穀之道往來神

氣若臟熱喉則腫塞氣不通烏翬膏主之

方見第六卷中

若

腑寒喉則耿耿如物常欲窒癢痺涎唾母薑酒主之



方見第
六卷中熱則開之寒則通之不熱不寒依臟調之

反胃第四

脈二首一方十三首
灸法三首

寸緊尺濇其人胸滿不能食而吐吐止者爲下之
不能食設言未止者此爲胃反故尺爲之微濇

跌陽脈浮而濇浮卽爲虛濇卽傷脾脾傷卽不磨朝
食暮吐暮食朝吐宿穀不化名胃反跌陽脈緊而濇
其病難治

治胃虛反食下喉便吐方

人參 一兩

澤瀉

甘草

桂心 各二兩

橘皮

乾薑 各二兩



茯苓 四兩

竹茹 五兩

大黃 六兩

右九味咬咀以水八升煮取三升一服七合
夜一已利者去大黃

衍義

反胃皆由胃虛穀氣留泊蘊爲濁濕阻積於中

以飲食隨之上逆故用大黃甘艸湯領之下達加
參薑以助二味之力并取五苓散中之三降泄水
逆於下橘皮竹茹開發痰氣於上也

治胃反吐逆不消食吐不止方

人參

桂心

澤瀉 各二兩

茯苓 四兩

橘皮

甘艸



黃芪各三兩

大黃一兩半

生薑八兩

半夏一升

麥冬三升

右十一味咬咀以水一斗二升煮取三升二

服八合日三夜一羸人六合已利去大黃

衍義

前以濁濕內蘊故用金匱大黃甘艸湯祛之下達

此以痰飲上逆故用金匱小半夏湯豁之內通前

以人參佐大黃蕩滌之力此以大黃佐半夏開豁

之功前以竹茹橘皮佐乾薑人參開發於上此以

麥冬黃芪佐茯苓桂心通調於下皆因勢利導之

法



治反胃而渴方

茯苓

澤瀉

半夏各二兩

桂心

甘艸各二兩

右五味㕮咀以水五升煮取二升分三服

一

入生薑四兩

衍義

胃反而渴良由水逆阻遏津氣遊溢之道故南陽

主以五苓利水通津其渴自止此以痰涎挾水飲

上逆乃以甘艸半夏易猪苓白朮但取三味利水

足矣

治胃反朝食暮吐食訖腹中刺痛此由久冷方



橘皮 三兩

甘艸

厚朴

茯苓

桂心

細辛

杏仁

竹皮 各二兩

檳榔 十枚

前胡 八兩

人參 一兩

生薑 五兩

右十二味咬咀以水一斗三升煮取三升分爲三服 一方有柑皮二兩

衍義

穀入則痛胃氣雖虛尙能與邪交逆所以激痛如

刺其食停畱經日乃吐脾氣雖衰尙有濁氣阻逆

不得作純虛例治故用細辛桂心破結氣杏仁前

胡降逆氣厚朴檳榔泄滯氣生薑橘皮逐痰氣人



參甘艸培胃氣扶苓竹茹清神氣濁氣散而清
安脾氣運而穀氣進津氣布而正氣復

又方

橘皮

三兩

人參

白朮

各二兩

桂心

一兩

川椒

一百二十粒

薤白

一握

右六味咬咀以水二升漬一宿內羊肚中縫合以
三升水煮水盡出之決破去滓分三服

〔衍義〕

亦治朝食暮吐腹中刺痛彼用厚朴檳榔此用薤
白同爲泄滯氣之藥氣雖少變而功用不殊

又反胃大驗方

